

քանչիւր տանից ուղարկուած խօսչան ստանում և հաւաքում են մի տեղ: Ս. պատարագից յետոյ, եկեղեցու բակում, կանաչ ու դալար խոտերի վրայ փռում են երկւոր ու նեղ սփռոցներ: Սփռոցների երկարութեամբ, իրար դէմ ու դէմը ծալապատիկ նստում են՝ տղամարդկանց խումբն առանձին, իսկ կանանցն առանձին: Քահանան օրհնում է սեղանը և բազմում է իրեն յատկացուած՝ ամենաբարձր ու պատուաւոր տեղը, իսկ ժողովուրդը նստում է՝ սով որտեղ պատահում է: Ճաշկերոյթի կառավարիչները առանց ընտրելու, անխտիր բերում են իրենց ձեռքն ընկած սկուտեղները և դնում են ամեն մի ընտանիքի աւագագոյն անդամի առաջ՝ մի-մի հատ: Բանալով սկուտեղները, սկսում են ճաշել ուրախ-ուրախ և իրենց սիրելիների կենաց գինու բաժակներ պարպել: Այս հասարակական համայնական ճաշկերոյթի ժամանակ՝ էլ «իմը», «քոնը» հարցնել չկայ, ում առաջը իւր բախտից ինչպիսի կերակուր ու գինի պատահի, սուս ու փուս նա պիտի ուտէ ու խմէ, գոհ սըրտանց և ուրախ դէմքով: Շատ անգամ աղքատի նիհար գառն ու չոր հացերը և քացախած գինին դնում են հարուստների և պատուաւոր մարդկանց առաջ, իսկ հարուստների ճոխ, լիքն ու բարի սկուտեղը բացուում է օրական հացի կարօտ ու ամենաթշուառ աղքատի առաջ: Այսօրուայ պէս ես լաւ յիշում եմ հետևեալ դէպքը, որ իմ կեանքումս չեմ մոռացել և երբէք էլ չեմ մոռանայ:

Երբոր ես 7—8 տարեկան էի, ինձ համար մի սև և անմոռանալի Չատիկ բացուեց: Այդ օրը